

蘊  
懔  
閣  
詩  
集

蘊懷閣詩集卷第六

鎮洋 盛大士 子履

癸酉

春日有懷李司馬

邦燮

滇中

萬里昆明水四時花影嬌定多新雨露爲補舊風騷地僻  
征徭簡時清瘴癘消無須戍南詔禮樂化諸苗

吳門老名士蠻府舊叅軍別我尊前酒孤吟山上雲天涯  
遲驛使水渚失鷗羣風雨眠餐慎滇民倚望殷

虞山官署呈何觀察茂軒先生

江南江北萬山青吳會重瞻使者星

觀察夫子於嘉慶庚申科典試江南地

界滄瀛資水利天留元氣護生靈餘糧栖畝衢謳治里社

蘇軾詩集卷之二  
稱觥酒味馨猶恐雁羣噉渚澤夜深鈴閣夢頻醒

鵲鶴孤峯杖策登勝遊同上最高層吏名大隱希方朔人  
羨羣仙御李膺朗抱白雲歸鐵笛醉飛紅葉落銀鐙七條  
絃漱泠泠玉照徹壺中一片冰

吳兒省試余因偕至白下江中遇大風作歌示之  
長江古稱天塹雄奔流直下滄海東兩點金焦盪空碧俯  
仰一氣青濛濛揚舲擊楫舊游慣布帆不動心從容今我  
攜汝復到此風景約畧當年同虞山買舟小於葉舟中四  
面驚飛淙舟人膽大不曉事破浪竟欲乘長風黑雲如牆  
壓江面有櫓不敢搖江中急借迴瀾傍絕壁怪石傑立劉  
圓穹一篙力挽石背裂汴汴勢若撞洪鐘巨靈揚鬚老鼉

怒呼我共到馮夷宮  
篙師泅水拽巨索如引后羿千鈞弓  
疾風忽隨舵背轉直以人力爭天工  
須臾風息泊江畔望見鍾阜高低峰  
汝生未識波浪險驚魂甫定心忡忡  
我昔扁舟過淮北淮河水挾黃河衝一  
輦竟渡若平地四面飛瀑懸晴空澄心  
坐鎮憂懼釋此中大有凝神功世途險  
於蜀道險康莊何處非蠶叢江山壯觀  
足千古閱歷亦足開心胸醉成狂歌喝  
水立豪氣定欲吞虬龍

秣陵秋感

蒼茫煙樹秣陵城無限興亡弔古情  
紫蓋山川銷王氣白門風雨攪秋聲  
新亭斷隴埋蕪碣舊苑荒臺冷玉笙  
垂楊垂柳垂楊總蕭瑟傷心不獨庾蘭成

長板橋邊落木秋。秦淮鳴咽使人愁。  
青溪盪槳迷桃葉。明月降幡照石頭。  
社酒義熙卹舍改。黨碑元祐姓名留。  
朱樓大道誰家宅。金粉消沉土一邱。

珍珠河

在府學側。相傳陳後主雨中泛舟。官人見浮漚呼以爲珍珠。故名。

春塘波綠鷗夢香。風吹舞袖隨波翔。  
蘭舟泛雨浪花濺。美人翠羽鳴珠璫。  
霧閣雲牕畫圖裏。不辨臨春與結綺。  
妾心愁送雨聲中。水面珍珠拾不起。  
珍珠河畔醉仙娥。狎客新翻玉樹歌。  
忽聽官鴉啼夜雨。胭脂井底淚珠多。

洞神宮

在淮清橋西。舊爲江總宅。宋制使姚希得自蜀來建此。奉清源梓潼白崖三神。又名

蜀三大

神廟

舊宅傳江總。新宮祀洞神。  
綵旛明照日。玉樹暗傷春。  
傑閣

翔鸞馭虛堂響鳳鈞椒蘭香案薦靈佑到西岷

烏衣巷

城南有烏衣園乃王謝故居其扁額曰來燕歲久傾圮

野徑泥深綠蘚肥巷名猶號舊烏衣疎籬一角茆亭古燕子秋銜夕照飛

白門雜咏

柳枝貼地帶疎痕點染秋光白下門丁字簾開人倚檻澹煙微雨總銷魂

碧紗鐙影落銀河新製單衣翦越羅妾見莫愁湖上月秋來愁更比春多

渡口初停昨夜風橫波雨檠鬪玲瓏六朝多少傷心事盡在朱樓畫舫中

臨春複道燦流霞飛燕昭陽未許誇醉遣摩訶守江口玉  
簫吹罷聽吹笳

半壁東南落日哀君王沉醉笑顏開長江自古天爲塹怪  
底韓擒虎又來

戰鼓千山草木驚將軍縶甲厭談兵渡河獨有宗留守艸  
檄青燈血染成

名士歡場夢幻中歌殘瓊樹怨東風美人俠血干春碧不  
爲桃花悵落紅

淒斷鷗絃不忍彈江袁門第惜春殘誰知花月春江夜開  
府新朝已拜官

燕子樓頭燕壘空雨花臺畔雨濛濛愁心不逐秋潮落付

與江樓留裏風

觀音閣秋眺用漁洋韻

高閣秋延雨後涼  
接天雲水浸微茫  
平林點筆圖蕭照  
小市停舟問杜康  
石蘚翠餘庵徑外  
娑羅香落寺門旁  
夕陽幕府山頭望  
兩岫蘼葭水一方

感事

野戍驚沙起荒原  
落木秋跳梁滋小醜  
傳箭說中州已悔  
先機失難寬上將  
憂書生懷義憤荷  
戟願同仇  
國法嚴貂寺曾無  
尺寸權罹刑全不  
恤煽亂竟居先  
蟻賊  
窺畿輔妖星逼斗  
躔乘墉紛豕突禍  
水起中涓  
宮闕倉皇日天心  
默護持雷聲轟亂  
鏃電火掣妖旗義  
憤



人齊奮詭言勢絕危

鑾輿秋獮返臣庶釋驚疑

河北傳烽燧山東走檄書禍將憂蔓艸地已近淮徐白骨  
烏銜肉青鎧鬼嘯廬六師來日下父老望旌旗

黃邨邪孽殄滑邑寇氛清殺氣看初息頑根恐復萌燕齊  
勞戍役楚蜀困輸征僕射能勤撫恩慈仰父兄

寰海歌清宴征輦夜不鳴論兵籌勝策防患在承平豈乏  
賢司牧終慚負

聖明十行罪已

詔涕泣爲蒼生

甲戌

豫東紀事詩六十二韻余在兗州途次遇客從軍  
中來者詳述山東河南邪匪之亂援筆誌其顛末  
俾陳風者有所采焉

皇仁覆六合萬類歸陶甄食毛并踐土教養二百年蠶茲  
不靖徒自外光華天姦民結私黨豫東連齊燕或倡瓦刀  
社或搖虎尾鞭大者八卦教禍勢久蔓延惡林飛鴟鴞患  
懲陰雨先願告守土臣義在國風篇爲虺勿早摧爲蛇悔  
徒然癸酉秋九月殺氣盈中原妖星三十丈上犯北斗躔  
曹縣被蹂躪定陶空城捐河朔十數郡岌岌累卵懸強侯  
殉滑邑慘殺吁可憐全家同死難膏血腥戈鋌天心佑忠  
良幸得愛子全一城化蟲沙百里虛炊煙朱樓誰家宅隱

隱聞管絃推扉寂無人。髑髏狼藉眠門前。烏柏樹血染霜  
花。鮮屋後枯松枝落月啼杜鵑。烽燧且四起。比戶無完廛。  
躑躅田間翁。白髮垂過肩。手攜兩弱穉。衣絮紛糾牽。黃口  
不肯走。驅之涕泗漣。鄉兵導前路。數里索百錢。無錢瞋目  
叱。中道傷扑顛。怒罵甘耐忍。尙恐飽老拳。死亡在呼吸。飢  
渴奚足言。忽報劉都轉。將令軍中宣。馬隊數百匹。弓箭腰  
間纏。精兵不貴多。一卒殺賊千。旌旗亂雲中。銳氣凌無前。  
走賊扈家集。剿賊大廟邊。轉戰九日夜。賊首絡繹傳。滑賊  
竄輝縣。根株斷猶連。困獸各死鬪。負嵎惡不悛。太行高嵯  
峨。賊欲巢其巔。桓桓楊提軍。修髯美而鬚。一麾躍萬馬。飛  
出雙龍泉。縱火焚其巢。飛礮衝其堅。風沙震屋瓦。鼓鼙助

喧闐鐵衣耀白雪紅旗舞翩翩戰歸宴將佐玉帳開觴筵  
劍花杯底落弓月城頭圓戎醜就俘馘

王師歌凱旋草蟲賦嚶嚶野蠋烝蜎蜎難民始復甦稍稍  
歸園田面目慘鰲黑肢體病踟蹰頭上髮不櫛身上衣無  
繻入門舐妻子卧席擁敗氊尙疑夢中境鬼物身爲緣煮  
粥拾橡栗和以艸根煎性命喜再活幸不溝壑填

詔書切撫卹被兵租全蠲陽春霈甘澤百卉滋芳妍晴暄  
盪沴戾陰陽平伏愆上蒼仁愛心轉移默有權憑誰問牛  
喘變理無頗偏霖雨救亢旱舟楫濟巨川欲報  
聖主聖必藉賢臣賢我言雖芻蕘采之毋舍旃

髮山行

定陶城南殺氣驕定陶城北軍聲囂豺狼滿街攫人肉血  
光直射蒼天高朝辭定陶城暮走髡山麓悲風蕭寥響羣  
木徹夜干村萬村哭村民避賊攔路號路旁忽見官先逃  
黃埃障天日色薄官遇賊兵官膽落不聞軍中戰鼓聲倏  
化蟲沙與猿鶴吁嗟乎官死賊手官可憐民罹賊虐誰之  
愆定陶城中十萬戶奈何倉猝全城捐

金鄉曲

深山毒藪潛鯢鯨羣醜計奪金鄉城金鄉邑令捕首逆鄰  
境縱之不敢獲卽鹿入林不見幾逐虎負嵎又誰責黃花  
九日金杯浮銜杯賞花城上樓暗躡城垣料了肚部署健  
卒藏戈矛明晨戰鼓掀天震賊騎雖驕不敢進菊花無恙

笑顏開紅燭三更百壺醕城中既有備城外亦晏然市者  
復居肆畊者仍歸田金鄉不逢賢守令生靈百萬何由全  
君不見定曹闔境良家子血作城濠濠上水

蒲連歎

我讀老杜兵車行不信從軍古云樂賊兵蠶起官閉城  
急召鄉兵動村落蒲連張家十三子荷戟同仇誓同死  
淚眼愁看白髮枯荒原瞥見黃塵起妻子別歧路不辨  
東與西搖手掩口不敢哭問君幾日歸鉏犁男兒尸當  
裹馬革何以家爲戀魂魄上有鬱鬱之高松下有青青  
之古柏蒲連大寨賊乘虛一炬灰飛半天赤官兵漸集  
鄉兵歸歸來宅破無半扉流離老幼鳥獸散存者僵凍  
無完衣聞道

皇仁免租賦 賜糧藉免今冬饑  
黃昏仰看星月色嗚咽  
磨刀誓殺賊

三賈謠

險莫薄扈家集危莫入曹  
縣城居莫近蒲連寨走莫遇三  
賈兵紅旗纈紛耀城市三賈村  
中無賴子得錢能脫困獸  
阱無錢竟陷良民死睚眦報復  
恩讎私十人九人慄慄危  
蒲萄杯紅酒香冽此中半是蒼  
生血血汚遊魂無路歸冤  
泉飛作炎天雪君不見炊煙墟  
里鷄犬愁陰霾暗慘風颭  
颭銀脾高挂者誰子朝烹肥羊  
夜宰牛

定陶掟

青天高懸大將星賊刃墮地賊  
膽驚封狼驅貔抱頭竄戒

不敢犯劉公兵劉公十年老行陣據鞍顧盼威風生公之  
作官不愛錢公之待民如愛子身先將士習甘苦將士甘  
心爲公死定陶城劉公來賊黨散城門開飛鴻滿野嗷嗷  
哀白骨狼藉薶荒萊傷心慘目有如此那堪攜酒臨高臺  
噫嘻乎悲哉皇穹欲甦爾民困得遇劉公死無恨

滑城哀

滑城九月鬼晝哭白狐跳梁烏啄屋市人狂呼走避賊婦  
孺老羸亂躑躅官符捕賊督官吏官吏先爲賊奸細鞠訊  
先嚴首惡刑倉猝羣兇肆毒計城樓高攀八卦旗箭飛如  
雨合四圍慷慨握節縣官死碧血夜逐青磷飛營兵竄伏  
不敢起罵賊惟聞弱女子羅裙血染猩猩紅常山之舌睢



陽齒嗚呼滑令死滑城亡醜類從此爭披猖滑城一日賊  
未滅哭向皇天憤所切

道口歌

滑澹屯糧道口鎮西通太行達懷慶賊兵二萬同日進七  
路官軍制其命聞道將軍幕府開巖關雪夜羽書催彎弓  
盤馬不遽發

詔書譴怒如霆雷古稱需者事之賊況此小醜何足滅吳  
宮王允宮伯汝能爲鴟爲鴟爲鬼爲蜮乃褫汝魂魄擣汝  
巢穴獨不見將軍挽鬚成結身先士卒歸來脫甲宴軍  
門萬點猩紅戰袍血

司寨引

滑城賊鋒數摧敗，鋌險西奔入司寨。南湖賊日尤猖狂，尅日裹糧趨太行。高峰插天一千丈，絕壑悲風亂松響。烈山焚林拋火毬，赤龍鱗甲飛寒湫。裹創苦戰一日夜，殺聲震天天亦愁。白土岡頭兵兩翼，五雲照耀旌旗色。官軍破道口滑城之圍，乃可合官軍破司寨。滑城之賊乃可滅，流民亂後苦無家。灑涕城南望城北。

滕縣

井疆五十里，到此獨徘徊。渺爾彈丸邑，曾逢命世才。青山拱鳬嶧，喬木秀徂徠。古廟蓬蒿沒，愁聞鴻雁哀。

東平道中流民歌

去年九月東昌府城頭，烏啼月色苦今年。二月東平州城

邊艸碧花光稠春花秋月年年度愁苦飄零向誰訴提挈  
老幼飽風雨負擔牽衣不知數攀轅叩頭手索錢對我淚  
下如流泉或從淮北來汙田數畝埋荒萊或從河南去弟  
妹避兵在何處 朝廷有

詔開倉穀聞道官堂設官粥居民一飽尙不足那望流民  
裹其腹

聖澤如天溥四海邑有流亡咎誰在使君大事不糊塗請  
繪鄭俠流民圖

夜過汶上投宿邨舍寒甚不寐

天陰風色慘蒼莽陣雲屯漸近干戈地不成鷄犬村酒錢  
寒易竭穀價貴難論擊斷城頭柝中宵驚客魂

任邱

任邱漢郡屬吾邱唐境漁陽接莫州古壘旌旗迷野色嚴  
關鼙鼓入邊愁承平野叟耕黃犢辛苦征人嘆白頭南北  
地形居險要蒼生幹濟賴持籌

燕南道中雜詠

二月燕南不見春曉寒飛雪送行人故鄉幾日鶯聲裏楊  
柳堤邊艸又新

破寒夜酌酒盈卮馬上高吟夢裏詩何處鄉情消不得十  
三橋畔月來時

東方故里客停鞍古井梧桐露正圓臣朔也愁饑欲死長  
安索米自來難

一笑紅粧劍血痕買絲爭欲繡平原但求肝膽酬公子便  
雪蛾眉地下冤

鵬鶚摩霄朔氣清戍樓風惡峭寒生三更明月一聲笛吹  
作幽燕變徵聲

王師去歲盪妖魔徵調兵車喚渡河馬上紅旗馬前雪將  
軍醉唱凱旋歌

胭脂北地擅傾城銀燭宵彈趙女箏一自羽書徵戍役玉  
簫聲是別離聲

冥濛煙靄鷺鷥汀十里平沙水荇青稍喜魚梁生意足不  
愁在留見三星

東阡南陌冷萋迷啄粟愁聽黃鳥啼剩有一畦霜後菜免

教此色到黔黎

白楊荒冢望蕭條  
欲問巫咸賦大招  
綠酒但澆墳上土  
青燐不照舊時瓢

陌上車塵暮復朝  
南鴻北雁路迢迢  
征人若問春消息  
莫遣東風過柳條

艸長鶯飛節候新  
五年曾踏鳳城春  
白雲自向山中宿  
匹馬重關愧此身

東華門春望

縹緲瀛臺近春城  
麗物華晴光九衢  
樹花氣萬人家聯  
珮趨仙闕和鈴響  
鈿車流鶯聲宛轉  
長願托林樞

曉過 御溝

紫陌香車不動塵禁煙時節艸成茵  
御溝柳色濃如許  
爲染龍池雨露深

醉步西郊

冶遊新試客衣單落照城頭花半殘  
已報河南烽火息儘  
教春色醉中看

送李衡塘侍講南歸

鶴俸無多不療貧倚閭何忍累衰親  
杜陵詩爲憂時作李  
密書因將母陳畧可洗愁惟綠酒不堪望遠是緇塵十年  
風雪貂裘敝客路眠餐慎此身

張鹿樵侍讀席上卽事

月滿春城酒滿卮如何醉月獨無詩  
燭光搖几紫雲落花

色上簾紅笑遲夜雨江湖三載別故人肝膽一時披尊前  
不用看華髮拔劍王郎氣自奇

都門旅舍屈敏山農部

廷鎮

過訪招余移寓高齋

卽事賦贈

穀貴攜貲少長安不易居嬾隨塵海逐轉與故人疎有客  
久懸榻相逢笑擘衽山中芳杜若只合伴三閭

予自戊辰歲以詩質法時慨祭酒

式善

距今五載

重遊都下而先生已歸道山偶偕友人重過詩龕  
愴然賦此

靈光魯殿沒青蕪愴斷人琴淚眼枯聞道憐才從古少如  
公愛客近今無十年朋舊埋衰艸一代詩名滯宦途師友



寢門齊慟哭不知大雅更誰扶

禮闈試罷下第南歸留別都中友人卽次畢子筠  
孝廉送別韻

榆關風色不成春雀燕分飛我共君長劍今宵狂對酒短  
衣明日愴離羣一鐙斷續還家夢半篋叢殘下第文去去  
廣寧門外客不堪重盼鳳城雲

玉京縹緲路無緣便合牽蘿補舊屨錦段愧輸漆線巧良  
媒恥蹈貿絲愆青山隔斷人天界白日閒拋壯盛年我去  
吹簫君擊筑一生心事兩茫然

雕蟲詞賦忝微名潦倒崔瞻誤此生不解吹竽嗤抱瑟有  
懷投筆學談兵春憐代北千花落夢逐天南一雁征齊豫

卽今銷戰甲不愁戎馬滯歸程

田園生計託汙萊草草勞人歸去來  
秋圃花宜香晚節春風吹不到枯灰  
側身天地鷗羣散滿目關山雁侶哀  
辛苦征塵磨瘦骨嬾登燕相舊時臺

過柳下惠墓

織蒲門下少蒲輪柳下依然古逸民  
潦倒一生遭三黜更將直道事何人

一介三公志不移阨窮隨分樂恬怡  
隔村遠聽樵歌唱隴上月明人靜時

舟泊清江浦次顧孝廉時雷韻

但有同心樂不知行路難  
扁舟渡江浦客夢話平安  
野樹

綠園屋雜花紅照灘願言賦招隱生計問漁竿

題畢季瑜孝廉憲會詩集

皎月出滄海蓬島闢清奧  
鮑陽老翁詩靈境咫尺到蒼寒  
聳孤巉矯拔絕時好鈞韶金石鏗  
冥搜神鬼告每於深遠  
處勁氣獨排冑抗懷追風騷  
盟壇樹幢纛千秋杜陵叟  
前路雅輪導俗目混黑白那問  
瞭與眊

題畢茂才緒珍遺稿兼柬季瑜丈

辛夷花發落翠稠綠卿仙去詩魂留  
雲屏華燭照霞綵碧  
天無聲銀漢流手扶天河出天表  
凌風下瞰塵寰小天公  
憐才非妬才丹詔特遣緋衣來西河  
老人淚盈目且洗愁  
腸醉醺醺君不見錦衣爛漫年  
少子不賦玉樓賦金谷

九日王儕鶴表兄

士麟

招同畢季瑜彭甘亭集飲

借綠軒卽事

燕臺客嘆黃金盡歸臥滄江百事慵  
詩思却從秋思起酒人喜與故人逢  
一銚愁髩羞吹帽三徑寒花笑倚筇  
借綠軒開話疇昔接離醉倒叙懽悰

同作

同里

彭兆蓀

庭花黃映座鄰竹綠過牆客老珍鄉味  
秋陰戀酒場小詩莫泚秀大藥橘泉香  
卽此成棲逸家風穩醉鄉紀旱雜詩

焦巖無潤木枯淵有飛沙天瓢客勺漑  
消渴尊斷汙南山殷其雷黑雲散頽  
頽百家汲一井井涸成廢窪得水競換

錢錢少不肯賒乾糗下咽難導以泥潦茶水搜索昂價晒  
彼賣餅家

殘春屈秋初下隰土性燥桔槔村聲喧莫採禾菽槁東邨  
富家農昏夜召傭保西邨貧家子合作圖一飽邨後一小  
車瞥見各驚擾大呼偷水賊追奔鹽其腦彼此怒奮臂亂  
搏目幾眇明晨到訟庭曲直飾辨巧吏胥恣索錢逋債何  
日了

巨港不容刀涓流細如髮烏銜老魚鱗馬踏死蛟骨露出  
沒字碑乾封辨遺碣秦漢古吉金礪底或可掘伸手不敢  
探恐驚毒龍窟文園疾不瘳昂首嘯明月

步出東郭門猝報潮汐至鄉農太鹵莽瀕海妄貪利掘開

塘亘丈穿鑿弄小智狂濤疾沸騰倏忽躍平地蚩氓愚無  
知後患那能避倘觸罔象怒蛟窟走百魅颶風翻鼉身擊  
浪鼓長翅哀汝鴻雁侶盡化魚鼈類

比塵揭紙旗旗綵颶青冥淋漓潑濃墨畫出蛟龍形道人  
語半顛誇口符呪靈高臺蠹屑霄擲水手不停一擲月皎  
皎再擲星熒熒三擲水化酒天公醉難醒安得一瓢飲霈  
作靈雨零

斗米錢六百一家人數口搗碎糠豈餅百草雜和滲二甌  
苦不給宿糧更何有攜兒鬻街市得錢供飯糗兒牽阿孃  
衣驅之不肯走不忍加鞭笞掩淚執其手

皇仁霈鴻淋租賦十蠲五奸胥肆藐法利藪競餽取買荒

出白鏹一石二兩許天災分重輕顛倒恣弄侮秉燭夜達  
晨細檢報荒簿某戶係某都某鏹係某戶珍珠與文綺隨  
意市上賈

蘊襟閣詩集卷第七

鎮洋 盛大士 子履

乙亥

人日後三日汪直夫侍御與耐甫司馬彥國招同

楊叔溫明經雲璈畢李珣彭甘亭集飲小瑯嬛分

得五言古體一首限字

西城小瑯嬛十笏遠塵擾賢主合兩美照膽明月皦咬春  
開辛盤掃徑讌朋好初治茗盞潔旋鬪詩脾巧寒英透檐  
角香氣入清醪千觴酒政嚴一字枯腸攪欲問太元奇類  
然玉山倒是日主賓六人各舉觴政而楊丈先醉故有是云主人勸客醉巨觥尙  
嫌小丁丁滴殘漏客既醉且飽年來荒江濱寂寞歡場少



我從海虞歸忽忽逼歲杪積雪門不開孤眠雲獨抱况逢  
歲告禋粒米連城寶集澤嗷哀鴻啄桑憫黃鳥酌酒告天  
公願爲蒼生禱春陽布醴澤比戶樂康保并牡速親舊椒  
糴壽胡考庶幾懽會暢不用憂心悄卽今議賑米聊爾濟  
饑殍握粟同涓流何以挾枯槁澆愁傾濁醪中夜意如擣  
頗幸勝侶集擊鉢脫新藁敦槃附滕薛寒瘦愧郊島東風  
湖上客夢逐煙螺繞潭水別汪倫青山懷謝朓美人碧雲  
端相思贈芳艸歸期盼寒食鶯花猶未老重斟綠蟻杯飽  
看春山曉

新正十日與耐山招同叔溫靜山甘亭子履小飲分  
韻得客字

汪彥博

簷禽啄雪噤寒劇日暮敲門接巾舄簾依病萼故遲  
遲酒入枯腸先拍拍且喜辛盤得韭芽尙儲臘味饗  
羊炙平生意氣交勿濫要識寡尤在先擇季瑜眼底  
作阮狂叔溫胷中有嵇癖子履羞爲毛遂雖甘亭笑  
却虞卿壁驚換新年呼舊侶語軟意真見肝鬲世間  
痛飲屬吾曹拚與梅仙分半席短檠燭花醉眼亂留  
擘黃柑話疇昔往夢僧樓飯後鐘浪游塵海生前屐  
名園綠水久荒蕪賸有城南鶴一隻

南園老梅名滄  
一隻瘦鶴舞滄

江風月不買錢會合休輕須愛惜君言惡歲賤丁男  
那敢酣歌事觴醺我言曠達晉高流日坐愁城復何

益願將此酒變陽和大地回春救流瘠諸君秀句照  
江表坐此飢寒豈詩厄自古酸生一束書不敵田翁  
十斛麥驥足悲鳴鹽坂間鳳腸餓想琅玕食詩壇喚  
起故將軍怯挽強弓棄長戟忽報銜枚筆陣來夜奪  
崑侖出夸客

是日甘亭似少吟興故示怯於人而詩先出手殊不測也

一鳥先嘯

百鳥瘖莫怪東風苦催迫新詩要寫上元燈休待餉

香與粥白

諸君昨云詩成以寒食爲約故迫之

虞山晚發將之浙西丁明經

日生

昆弟招同吳茂

才

卓信

張明經

鐸

餞余於西城山墅詩以留別

十日住虞山遍訪山中友探罷招真古治梅春風挂席錢  
塘口錢塘花發江流香雲間霧閣參差望飛鳥片帆縈客

思故人明月想容光屈指歸艎寒食節無過三句兩句別  
又恐行蹤預定難未免江鴻滯泥雪二丁才調擅風流攜  
酒邀朋洗客愁鏗下淺紅蘭炬剪花前大白玉醅浮分曹  
射覆懽騰沸笑譚共帶煙霞氣主人已見客顏酡只道今  
宵醉還未酒盡更闌各黯然一聲欸乃渡頭船綠蕪遠處  
漁謳起夢入西湖雨後天

過龐山湖次平望驛

一水明于鏡輕帆不暫停湖開遠山翠天入洞庭青驛樹  
花環畛漁莊鷺浴汀平分吳越秀曉氣望清泠

曉雨初霽望吳中諸山

綠蕪散宿雨翠微入遐覽湖平沙畛曲霧濃雲岫澹羣螺

聚成團一手或可擎  
檣影惜半遮叢林又交掩  
若非朝霞升何時掃  
黥黥今曉盪春渚空青  
落數點蒼茫闔閭城恃  
此江山險被楚矢吞越  
蘇臺日色慘胥江嗚咽  
水激怒瀝肝膽風聲聒  
耳來醉嘯發百感

鴛鴦湖舟中偶成

水榭牕櫺面面通  
花光透出淺深紅  
吳江第四橋邊望  
春在濃雲細雨中

鸕鶿雙飛掠夕波  
蘋洲沙暖暗浮螺  
儂家新種湖邊柳  
綠借桑陰一半多

由鴛鴦湖過爛溪塘薄暮阻雨

炊煙一縷起邨莊  
處處林鳩喚侶忙  
燈下癡顏看獨笑  
春

來詩夢亦生香鄰舟有伴鄉音熟溪閣誰家醉語狂聽得  
篷牕聲漸瀝攪人愁緒十分長

花舫曲

蘭舟曉盪湖心綠風花雨花斷還續別有春生水面香嫣  
紅影照鴛鴦浴吳娃十五嬌可憐越羅衫子花光鮮菱開  
花拂髻雲亂輕寒不散螺窗煙折得花枝問誰寄花亦憐  
人解人意儂替花憐儂自憐春來又恐春歸易湖邊有客  
駐征橈詩魂似逐花魂飄春城孤負看花約愁水愁風暮  
復朝

步雲橋沽酒

小帘青颭一帆煙清若空真色味鮮

清若空酒名見武林  
遺事竹垞詩荆南豫

北闕新醺不比  
吾鄉清若空  
醉立花陰衫落翠步虛疑是碧雲天

竹素園次陸萊臧孝廉

我嵩

題壁韻

園花疑識面笑引客來游春澗靜流碧竹風涼若秋旅情  
餘燕壘詩意落魚鉤欲覓玉泉寺重停湖上舟

玉泉寺觀魚

虛室纖埃靜招提古玉泉無窮濠上樂小有水中天徑入  
雲根曲池浮塔影圓漢陰機自息隨處可忘筌

同何孝廉

校

何茂才

正機

登吳山絕頂望錢塘江

形勝扼全越江山出霸才六鼉吹浪起萬馬射潮來虛白  
開詩界空青落酒杯老松蟠翠巖飛上大觀臺

孤山觀梅過放鶴亭訪和靖先生墓

山腰梅花開山頂梅花落巢居閣外夕陽亭處士當年曾  
放鶴蕪碑卧石磴蘿逕盤孤墳嶺頭雲接湖上雲玉光十  
丈吹氤氲此花萬古冰雪心祇許孤鶴相招尋逋仙恥作  
大隱客與爾高卧深山深舉朝不分忠與佞先生入山計  
乃定嶺上梅花似白雲孤山不作終南徑橫斜疎影記依  
稀羽氅翩翩有夢歸愧彼鐘山草堂客月明蕙帳鶴孤飛

謁岳忠武王墓

南渡朝廷小偷安棄汴京兩宮讎未復三字獄先成江表  
新遷社中原正用兵相州興義旅鄂國著威名鐵騎嘶風  
健牙旗望氣驚嚴關開戰壘細柳整軍營溫嶠登壇誓劉  
琨拜表迎控鞍思敵愾握節命專征醉待黃龍酒書邀白



馬盟一朝誅上將萬里壞長城玉弩懸空壁金牌下九閔  
地輿臣構獻天塹僞齊爭事業銷磨盡英雄生死輕丹忱  
原磊落冤案不分明此後甘銜壁憑誰共請纓枕戈無銳  
卒蹈海有遺氓化鶴魂留恨騎驢氣不平北雞潛縛虎石  
馬怒奔鯨殿上瞻旒佩階前跪裸裎湖山仍秀鬱草木亦  
精誠俎豆供新奠衣冠拜舊塋棲霞嶺畔望過客淚縱橫

西湖寒食

山雲圍幕水生鱗客裏鶯花爛漫新莫折蘇堤堤畔柳綠  
煙痕似故園春

窈窕牕開鬪麗娟六銖衣薄卸吳絳香車蘇小墳前過可  
有青驄控玉鞭

樵歌隱約起邨扉墟里孤煙隔翠微日暮西冷橋畔望  
錢灰並紙鳶飛

智果新泉石罅流坡僊詩夢憶黃州僧雖不解談禪趣也  
試頭綱論小甌

南屏遠近現樓臺小築茆庵舊姓雷塔影外湖霞未落月  
光已進裏湖來

璣璣石筍瀉珠泉山墅人家小有天籬外桑田纔過雨禁  
煙時節自生煙

水面虹梁跨玉腰有人湖舫弄清簫梨花一樹香雲密殘  
雪三分夜未消

沿堤聽徹賣餠聲芳草生時客感生夕照湖心亭一角落

紅深處暮雲平

同作

青浦  
陸我嵩

吳綿初卸繖寒天燕子風微送畫船描出六橋山似  
黛西湖今日也藏煙

白隄新綠長蘼蕪前度裙腰路有無十里梨花明似  
雪殘香落遍酒家壚

腸斷西泠橋畔行碧桃瘞後野棠生蘼蕪古墓無人  
掃松栢年年作雨聲

苔井新淘茗約圓細炊槐火不談禪黃州詩夢千年  
冷賸有煙迷智果泉

飢盤香過湧金門莞蘼荒原有酒痕纔喜澆山愁發

火鷁鳴啼雨水邊邨

賣杏街頭濕曉雲千家插柳話紛紛嫩條簪上吳孃

髻還比門前綠幾分

杭俗是日女人以柳梢簪于頭上

山郭嬉春未縛滕晴絲翠地照衣棱紙錢零亂隨風舞牽上黃妃塔一層

青袍吟倦不勝情夢到家山正聽鶯愁賦粥香餠白句三年客裏過清明

送吳農部頤之金華

垂老一官貧江湖作散人綠波吳下客芳艸越中春宦海心情拙書生面目真惟看華頂月猶夢鳳池濱

西泠署齋習射呈何觀察茂軒先生

射圃榛蕪闢飛沙響角弓隼旗光掣電雕帳氣吞虹健鶻  
高翔翼飢鷹陡墜空一彎開皦月四座扇春風劍燦霜花  
白鈴排繡簇紅的看分豺豹發必中研縱藝共詩書習功  
須巧力充精心求貫蝨妙技陋雕蟲選士游鄉校興賢試  
澤宮賓僚爭亦讓升降禮先崇沒羽雄心托懸弧壯志同  
反求嗤倖獲慎勿負初衷

于忠肅公祠

瓦剌圖南牧鑾輿竟北轅誰安明社稷再造舊乾坤慈詔  
深宮出嚴兵近甸屯貂璫除醜族龍轡逐賢藩少保經綸  
茂中朝德望尊行營推鄭畋勸駕倡劉琨赤手辰謨定丹  
衷乙夜捫夷吾賴瑕呂叔武得元咍屬幕吹笳急蘆溝岡

渡喧壞雲飛破堞苦霧壓頽垣挾質軍傳箭要盟騎帶韃  
城孤糧漸竭食少事偏煩艸檄青鐙夜封章碧血痕謾和  
排眾策握算救盤根陶侃新移節桓庾外結援捷書看速  
奏歲幣不須論出塞千巖雪還宮五綵幡君王重告廟宵  
小倖邀恩懷愍前車覆徽欽信史存如何忘大辱此案忽  
輕翻待漏遲趨陛鳴鉦驟奪門元勲遭慘戮萬口痛奇冤  
偉烈輝終古高皇鑒九原石人謀暗洩金齒氣潛吞兩帝  
彫松栝山靈泣芷蓀墓田盈宿莽祠宇奠忠魂霞嶺嵐光  
合煙林野色昏平皋愁唳鶴古洞聽呼猿詞客撝蕪碣巫  
陽降夕閭西冷橋下水哀響瀉潺湲

章少尹

寶蓮

陸孝廉

我嵩

同遊雲林寺用竹垞韻

蘇轍詩集卷第七  
八  
前檐人語入翠微竹陰綠捎郵桁衣卧澗老樹壓亂石倒  
挾巖溜枝頭飛三人同行約四里冷泉亭北開僧扉到此  
一洗萬緣淨心與鷗鳥同忘機

有目須辨山色真有脚不憚陟險頻狂呼老猿猿不應澗  
有石虎貪窺人下山渴欲索米汁佛戒未破僧先嗔龕中  
彌勒拱手笑山厨已熟湖田芹

坐冷泉亭觀飛來峯口占二絕句

山亭六月秋靜聽泉聲幽吹雪落天外白雲凝不流  
竺國小靈鷲飛作湖上峯天青雲氣濕洗出金芙蓉

呼猿洞

幽篁生夕風臨澗發長嘯雲暗洞猿啼月明山鬼笑

韜光寺聯句

杖策韜光徑

大士

招提別有春茶瓜

聯不速

章寶蓮

鍾鉢喜相

親石氣寒侵骨

陸我嵩

雲衣翠滿身引泉蛇卧笕

大士

攀磴蟻

行人何點閒停屣

寶蓮

林宗笑折巾虛巖松答籟

我嵩

破甕鐸

吹薪險語矜先得

大士

清游婉後塵字捫青蘚古

寶蓮

火試綠

槐新瘦鶴爭僧腊

我嵩

靈魚證佛因蓮池仍映月

大士

丹室孰

修真禪境空無滓

寶蓮

天風嘯有神混茫江海台

我嵩

遠近越

蹴隣讀畫摩藤壁

大士

題名刻翠筠窺人山鳥寂

寶蓮

送客洞

猿馴嶺北巢曾寄

我嵩

樓東夢未陳虎林歸路晚

大士

倚竹幾

逡巡

寶蓮

金蓮池



山坳數椽屋，欄戶畫生陰。客聽竹泉落，僧知琴趣深。石龍蟠鬱律，金鯨戲浮沉。妙諦拈花悟，淤泥不染心。

鍊丹臺觀海

石室巉巖峙，仙人此鍊丹。山容浮岼迥，海氣入江寒。紺宇月先到，陰崖溜不乾。如逢瀛島客，晞髮御飛鸞。

北高峯

三十六灣盡，北山峯最高。諸天花散雨，百丈翠飛濤。露氣侵晨冷，風聲徹夜號。胸中雲夢落，詩思醉尤豪。

署齋雨夜

落紅門巷聽滂沱，潑眼春光轉眼過。客裏譚心常恨少，貧來投刺不宜多。暫寬僮約成渠懶，偶檢詩篇對客歌。尙父

湖分婁水綠片雲南望意如何

雨中送同年倪學博傳歸青浦

雨意爲催詩聯詩得故知九峯雲水夢三載別離思琴愛  
陶元亮書成汜勝之

君新輯農雅一書

那堪湖上路明日又分歧

雨霽同陸萊臧出鳳山門過淨慈寺歷大小南屏  
諸勝尋遊萬峯山房訪小顛上人暮乘小舟泛清  
波門登岼酒家小飲歸賦五古三十韻

文章氣太盡絃外無餘音湖山遊太數幽趣轉不深客憎  
雨阻遊待霽始愜心庸知連日雨作意留春陰吾黨抱清  
癖情如芥投鍼出郭望林岫淨無纖埃侵畦花散金纈磗  
泉漱月琴淨慈大雄殿寶座輝璚琳左右夾玉甃翡翠抽

雙簪春柯不着霜自生紅葉林樵擔癩盡拾餘葉銜山禽  
瓏璚屏障列最高南山岑聲傳上方鐘朗颺暢蘭襟杖策  
獨秀峯禪室藏幽欽塵榻僅容膝病僧耽苦吟殘帙堆案  
几大半餽蠹蟬奇句壁上讀劍氣飛霜鐔不辨松與栝幽  
閣環蕭穆不辨煙與霞夕照西山沉橋橫學士港一櫂穿  
雲溇郭門行數武濁酒呼同斟尙未窮峻險亦足娛登臨  
君誇腳力健天馬馳駿駿芒屨太偈仄縛我苦不禁好景  
留以待異日重邀尋却恐一覽盡從此分商參要使疎間  
密興會彌淋漓我歸索枯管君勿嗤蹄涔胸中鬱嵐障作  
勢高森森卧聽漏聲滴雨意仍浸淫

大佛寺分韻得漱字

巨靈劈雲根妙相飾金鏤現出大光明共此太古壽列眉  
法航開垂耳貝葉覆泉氣鼻孔噓一瀉萬綠激惜無廣舌  
演四部義誰授又無不壞身半截類腫瘤如來億萬化不  
受形迹固須彌納芥子真諦盡研究

### 葛林園

神仙棲隱地園以葛林名半嶺白雲落一簾芳艸生鶴餐  
花蕊飽魚吸石泉清欲覓還丹訣何時鍊藥成

### 砂寶行

有引

黔地多產朱砂自馬蹄關至用沙壩十里而近自用沙壩  
至洋水熱水五十里而遙皆設砂廠洋熱之砂爲箭鏃爲  
箇子用壩之砂爲斧劈爲鏡面其麗而重者謂之砂寶見

田山蘊黔書中按黔人皆云朱砂小者如碎珠零璣大者至三十斤而止乙亥夏有客自黔中來浙攜砂寶約重百斤問其價當值兼金千餘兩遍詢浙中大吏及豪商貴公無有樂售者客乃廢然而返於其去也作砂寶行以贈之開陽砂寶若丹醜靺鞨騰芒赤山孕居奇有客遠道來萬水千山走珠脰當其采砂入砂廠支木羃版鑿巖磴引蛇附蟻匍匐走膝肉苦撐石骨硬焚膏火灼山魃面礫石搏人索其命劈斧銛峯斫白雪勢與猙獰兩相競忽聞杵杵伏雌聲潛身石穴屏息聽須臾大貝開礦床溜滴鮮紅土花凝其膚爛然頰散霞其質瑩然朗懸鏡觀者駭爲希世寶質重百斤值千錠載游湖湘遇大賈半價售客客不應

遂涉九江下吳越關吏索錢客囊罄客言是寶鎮百邪獨  
稟離方火德正馬蹄關距洋熱水匏壺竹節天生定神禹  
錫貢重帑砥曷不挾之獻萬乘豈知九重訓節儉不貴  
異物

天子聖淮海何須紀貢珠泗濱不用來浮磬況此龐然大  
如甕欲舉先憂力不稱若教碎作萬斛珠元氣渾然改其  
性我昔小字鐫茗華飛瓊頗有刀圭贈搗以玉杵碾輕塵  
和以蘭膏點埃淨火齊一粒朱孔陽麥光十丈精神迸團  
璣走盤漬露珠圖書儘足供清興珊瑚之匣翡翠床豔采  
玲瓏互輝映乃知以少爲貴者利用適宜良可證惜哉此  
客悔抱璞廢然思返夢斯醒句漏僊師餌絳雪淪落空山

豈爲病從茲高卧擁連城甘守長鑱白木柄

宿雲棲寺聯句

精藍盡五雲

大士

初地踐夙約駐錫梵名邨

陸我嵩

穿篁翠環

閣孤峯壁觀撐

大士

亘瀑栢尖落摩盪松鬚動

我嵩

爛斑蘚皮

縛建利肇乾祐

大士

址復蓮池廓虎追林不腥

我嵩

鯨走石亂

搏虛巖鬼嘯風

大士

傑構神鼓橐經幢鐫緣文

我嵩

戒壇散朱

萼火珠忽騰焰

大士

金粟慄刻烙何無菩提灑

我嵩

陡駭恒河

涸甕甌收殘灰

大士

櫨柄啟新牖花霏前後臺

我嵩

樹蔽大小

嶠或矯如游龍

大士

歸來平野鶴佛禽餐煙醉

我嵩

仙蜩吸霞

弱筍與樵路停

大士

蒲薦禪房拓其簌飮而甘

我嵩

有酒快同

酌蜨膏然熒熒

大士

鵝池敲珞珞筆塵口塵滿

我嵩

凡境靈境

鑿靜中魚唄喧

士大

暗處欲晴燥衲嬾報更舛

我嵩

僕倦抱鐺

躡諸天掃盞

士大

兩客話齟齬息躬占袈裟

我嵩

吹簫答磬

罇戲墨嗤不與

士大

妙諦示無着永夜泉聒眠

我嵩

長助氣盤

礴

士大

### 鳳凰山懷古

汴梁宮殿委埃塵建國臨江跡又陳  
鹿子慣眠花榭月鼠姑曾笑鏡臺春  
畫屏刻燭傳香吏繡軸題籤賜內人  
閒殺清涼老居士蹇驢湖上去來頻

鱸煙香染侍臣衣蟋蟀聲中晝漏稀  
海霧頻年迷雀舫山靈鎮日護龍旂  
蕊洲花落鶯新囀玉砌苔荒鶴倦飛  
尚有松風吹珮響兩宮月夜夢魂歸



曉發北關

密樹鳥聲噪江頭挂短篷波搖紅日裏人語綠煙中喚渡  
煩津吏持竿羨釣翁故園梅實綻香送棟花風

舟中書所見

小閣珠簾傍水開花深深處唱歌來阿蘭橋北採桑去木  
杓灣東買藕廻  
漱金香珮曳瓏璚繡袂寒生怯晚風儂似紅蠶纔出繭嫩  
蛾飛不上珠櫳

秀州官舍聽雨

朝霧蔽林莽渚煙迷空濛滴葉細流黛濕花碎粘紅斜溝  
注簷溜屈曲堂坳通蛙音起四壁答響鄰牆同心訝官舍

裏乃有田家風客憩湖上權跡感陌上蓬苦吟作冰語夏  
序來寒蟲

贈秀水朱茂才

墨林

卽題其桂之樹軒詩藁

弈葉縣風雅百年存典型故園梅會里太史曝書亭春晚  
輝蘭蓼秋山發桂馨蓬門無長物芸閣有遺經客翫湖邊  
月情聯水上萍榻看仲舉設權爲子猷停花管珊瑚架銀  
鐙翡翠屏紗分簾影碧衫落酒痕青十郡開詞社羣賢聚  
德星至今傳翰墨勝蹟著江汀君豈輸夷旦余真媿尹邢  
傾脂留粉本學繡羨娉婷共此煙霞氣相忘爾我形放懷  
高落落托契惜惺惺解纜歸偏速銜杯醉易醒我家婁水  
曲他日望揚舲

舞蛟石歌同朱墨林作

太僕祠前舞蛟石怒目深爪蟠灣環雌峯飛逐精衛去壯  
者歸立蒼苔斑松雪籀字嵌琳碧土砂斷骨紅變殷翻雲  
力能撼龍窟吸浪氣欲吞鰲山鱗飛髻躍駮萬怪躩足縮  
手不敢攀石龜石虎伏階下拳曲萃械啞病孱雷車疾馳  
風雨合遠自貝闕珠宮還奇哉石蛟何代物漏網傳說宜  
和間柳鄭趙志失載筆弁山吟錄誰能刪蛇蟠名定朱太  
史禾錄可作圖經頒荒萊偃卧尺蠖屈會須蛻骨凌煙鬢  
我來剔蘚訪石友拜石自幸緣非慳

構李懷古

射襄西望野煙生構李難尋舊日城軍士春秋齊脫劍美

人臺榭愼調等山川尙有亡吳恨艸木全非報越兵若使  
鳴夷休便賜豈容蠡種立功名

羞婦冢

會稽太守  
朱買臣妻

一念當年誤終身不自由此生雖失節垂死尙知羞廢圃  
杉青古荒亭艸綠稠却嗤翁子貴浪博錦衣遊

天寧寺

漢家舊賜將軍宅宋代新開聖壽宮一綫谿雲簷際落諸  
天花雨寺門通螺青石跨莓苔上頭白僧吟竹樹中收拾  
南湖入圖畫月光波影亘長虹

月波樓

韭溪橋畔水倒影上層樓月自波心出人疑鏡裏遊鷗羣

依畫槩蟾魄落詩鈎晚市喧停轂帘燈夜不收

精嚴寺

晉代尚書宅唐時古戒壇禽銜臆竹翠龜吸井泉寒徑窈  
雲藏易檐深月上難斜環錦帶水浴碧涵香瀾

鴛鴦湖泛舟登煙雨樓

煙雨扁舟客清遊興不孤權歌今日聽詩夢昔年符十畝  
萬重樹一樓四面湖錢王登眺處名勝擅中吳

落帆亭

溪舦孤亭落照銜杉青堰水盪空嵌年來浪跡成何事纔  
卸征帆又挂帆

東湖州趙季由太守學轍

茗雪煙波圖畫中仙曹合住水晶宮新詩重見孫莘老舊  
治仍題顏魯公過雨草分桑樹綠廻流菱照藕花紅長官  
自笑催科拙杼柚民間幸不空

吳門蔣于野莘訪予於吳興郡署索題虎邱倉聖  
祠圖爲賦長歌

蔣侯築祠祀倉聖昨從虎阜來吳興襄攜長卷記顛末古  
史攷信禪通徵軒皇河馬圖未授侯岡龍御占時乘其時  
粟飛鬼夜哭肇始文字易結繩譬如長夜積昧晦忽見曙  
旭扶桑升四目下炤億千載造化從此成精能靈書玉券  
闢奧庀鼻祖一脉緜雲仍三王祭川辨原委禮崇追報歌  
蠲烝廼構新宮奉木主負輪爛若紅霞蒸列棹隱嶙鬱萬

嶧策府玉城圍層層赤虬揚華翠微曜白獸吐氣丹霄騰  
不須禹窆搜秘牒三泉亭畔神其馮莫誇生公善說法終  
古頑石仍昏曹若非聖人造書契龜絲龍索誰靈承後來  
西方起象教三十六母踵事增三教源流一以貫孫子支  
派同高會斯祠落成俄十載蔣侯暇日徵詩朋山塘春曉  
魚負水鬱金香酒來蘭陵薦蘩苳苳潔豆登神保醉宴張  
華鐙鬱律精芒走光怪四壁蝌蚪文光凝夢吞丹篆約僊  
侶許我兜率陀天登

遊道場山

棧步縈紆境最幽挂瓢堂外綠陰稠但聞泉響自相答不  
辨山光何處秋衆鳥歸雲銜夕照萬松飛雨落溪流果然

法界超塵界始信茲遊是勝遊

同蔣于野

莘

吳山子

育

趙厚之

仁基

觀天寧寺唐

石幢

昔聞吳興多古蹟今見古剎多荒碑龍興光孝陳后窆天  
寧萬壽延皇釐佛幢八座斷石四經寫尊勝陀羅尼曹凌  
楷隸擅唐代結構勁正無側欹健者首數吳季良人魚畫  
簡尤超奇大中咸通歷數世某年月日堪詳稽武宗會昌  
之五載梵殿培滅無留遺西方法輪轉浩劫碑碣瘞土慘  
黑黧庸知沉晦不數稔光明大放金琉璃峴山窪罇滃乳  
竇當年失泐顏公詩莘老古亭子瞻記石墨久廢存其辭  
諸幢佛靈永呵護終古不受風霜欺宋家王孫趙承旨書



體秀奪天人姿僭厨板桌三大字普覺後閣輝采恩摹臨  
魏晉運意匠唐賢架範真其師邀朋願拓幢萬紙十指不  
惜齊生眠

感興

吳興領七邑澤國土田沃衆壑滙太湖羣山亘天日薪烝  
萃淵藪萑苻竊竄伏大吏檄書來刻期星火速緝匪戒漏  
網窮搜及崖谷雖云國法嚴毋乃政體蹙奸胥挾私憤良  
民誣考鞠林多鏃羽禽野有鋌險鹿所賴賢太守幸得剖  
冤獄歸耕五畝田惡賣三間屋

大田維稷莠良苗傷其榮帝治聖讒殄朕師防震驚周官  
詰姦賦比閭享安平後世保甲法所重良吏行欲陳利與

獎請祇宋與明邪慝貽世患我

皇憫蒼生雷霆卽雨露萬類資生成牧人受牛羊宜輸愛  
護情盜賊亦赤子誰與使羅刑

河朔初罷兵膏田半蕪荒二東困杼柚羣牛不服箱湖鄉  
饒水利十稔民豐康積貯非不足米價乃驟昂公然賈三  
倍百艘齎盜糧宜嚴泛海禁私販誅姦商湖邊估客船雜  
還來何方停泊三四日飽逐秋風颺市門金銀氣不照窮  
黎鄉

湖田四五月耒耦勤東皋六月久不雨一雨綠萬苗我行  
過村戶田父歡相招有酒清且旨一酌傾數匏四海多哀  
鴻此間真樂郊流民卽收恤老穉猶啼號移粟不常繼何

能免悲噉

至尊念民依宵旰勤憂勞誰獻鄭俠圖重續春陵謠

秋曉過鐵佛寺柬蔣子野

僧堂地僻絕逢迎古佛曇花鐵繡成約我曉來望山色知  
君詩已作秋聲隔林鳥送閒雲出過澗人披薄霧行便欲  
停舟尋下若鱸魚味美酒同傾

菱湖夜泊

一徑秋陰兩岬斜櫂歌聲裏有人家漁燈影落疎螢外不  
見菱花見藕花

吳興雜咏

西塞山前小艇過綠楊影裏曬煙簑花開易謝春歸早細

雨斜風是處多

燕語呢喃鶯語嬌踏青人過墜銀橋珊珊珮響花間動前路春情問柳條

桑陰濃綠繞圓籬煖室眠蠶四月時小滿纔交兩三日市間有客買新絲

三癸亭邊艤渡船茶槍新試杼山泉山人笑問來何處拾得松柴伴客煎

碧雲如幕月如鉤映水紅燈澹欲浮花鹿橋邊花似雪吹香風送卜蒼樓

打線絲又織手擎蘆錘旋轉製何精妾心好似叉頭線千縷柔絲百轉成

溪岼新田漲綠痕分秧鄰嬾各攜羣昨宵金蓋山頭望屋  
後嵐煙起帽雲

白蘋洲在水中央六曲紅闌隔水望樓上日高人睡起做  
絲花拂髻雲香

陂亭四面築迴廊學士蓮花舊有莊望月水晶宮裏坐未  
交秋夕已生涼

峴麓明霞斷碣橫石蒲齋署侍姬名情癡莫笑馮司李紅  
雨零星淚染成

季由太守同彭毓圃明府

志傑

餞予歸婁東兼訂

後遊賦詩留別

如此湖山好客歸豈不來烏程新釀酒紅葉夕陽臺振策

詩懷聳看雲別思催扁舟  
蒼雪水鷗鳥不驚猜

言臬雲太守

朝標

補官北上爲寫送行圖幀并題

截句

一鞭晴日送行旌  
四面樓臺拱碧城中有飛泉寒漱玉出  
山仍似在山清

蘊縈閣詩集卷第七